



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 8

Yangia anidakangma :



Tir Yimiyim



tir_yimiyim



tir yimiyim

TAPAK 3

**Phil Foden-i City den
tenangzüktepa yanglushiogo**

**Election ya tangar asalendong
tamajung agi makok: Mamata**



VOL. XXIII ISSUE NO. 202 (ADOK 202) DIMAPUR RASEMNÜ (WEDNESDAY) MONUPII (MAY) 06, 2026

₹ 5.00

Department 16 nung ozüing alema nisung 109 shimoka lir: NSF

Kohima, May 5, 2026 (TYO): Sorkar department tem nung ozüing alema nisungtem anioka lir aser department 16 nung mapa 109 tashi advertisement mesüi mesüra inyakyim lateta alima ama meinyaki shimoka lir ta Naga Students' Federation (NSF)-i metetdaksüogo.

Nagaland Public Service Commission (NPSC) aser Nagaland Staff Selection Board (NSSB) kübok recruitment procedures alema nisungtem shimok ta NSF president Mteisuding-i ashi.

Iba ya kanga dang süoki aitsüba tebilemsü ka lir aser iba ajanga kaketshirtem aser mapa bushirtem dak kongshir ta pai ashi.

"Mapa 109 nung 13 ji NPSC kübok lir aser 2018 nungi 2021 tsüingda shimok. Külen, mapa 96 ji NSSB kübok aser 2019 nungi 2023 tsüingda shimok" ta NSF vice president Vimeyiekho Vitso-ia ashi.

Mapa 82 regular, 16 contract-based, 8 temporary 2 casual aser 1 ad hoc lir aser open recruitment mesüra competitive examination kecha mesüi dang shimok ta paisa ashi.

June 6, 2016 Office

Memorandum ajanga contract appointments noktanga lir aser iba sülen recruitment guidelines agütsüogo saka item ajakji alema nisung 109 tashi aniok ta NSF-isa metetdaksü.


March 20 nü state sorkar nem ultimatum ka agütsüogo aser iba asoshi Chief Secretary-i May 4, 2026 nü telangzüba ka agütsüba nung Cabinet sub-committee ka nem agütsüba aser asüing Cabinet senden ka mena jembitsü shia lir ta NSF-isa ashi.

Iba "movement" ya lanur aser mapa bushirtem temeten atema lir aser inyakyim meyanglushiira ozüing melaba ama lungkak aittsü. Talisa department temi osangtem sota mayutsüla aser ano ibala mapa inyakba department tem nung reprangshimdar ta NSF-isa metetdaksüogo.

Tim masüba mapa inyakba ketdangsur ajaki nem tebilemsü khuret bendaktsütsüla aser administrative aser political shilem ajak reprangtsüla ta NSF-isa ashi.

NSF-i Chief Secretary den iba ken o jembiogo aser tarutsü meratem agia maodang Cabinet lemtet tamasa angadangtsü ta parnokisa shisem.

Nagaland sorkari Tata Motors den MoA nung sign sütep



May 5, 2026 nü Chief Secretary conference hall nung Nagaland sorkar aser Tata Motors Limited tsüingda memorandum of agreement (MoA) sign asüding Chief Secretary Sentiyanger Imchen den Additional Chief Engineer, NST Merangkaba Imchen, OSD, Finance Department Ketoulhou Metha aser Tata Motors Limited DGM (sales & marketing) Ajay Gupta nunger külemi agiba noksa ka angur.

Dimapur, May 5, 2026 (TYO): Mongulbarnü Nagaland sorkari Tata Motors Limited den memorandum of agreement (MoA) ka nung sign sütepogo aser iba ya bus 43 alizüka Nagaland State Transport (NST) department kübok public transport services ulushitsü atema lir.

Iba agreement ya Chief Secretary conference hall nung sign sütep aser iba ajanga sorkari senotsü khen nung masü saka shilem lemsar agütsütsü.

Iba mapatong nung Rs 13 crore endoktsü aser senji

shilem asem lemsar küm asem tsüingda agütsütsü. Iba nung Rs 5 crore mobilisation advance agütsütsü aser iba sülen küm ana nung küm shia Rs 4 crore agütsütsü.

Senji state plan allocations ajanga agütsütsü aser iba ajanga senotsü khuret talila malitsü aser maputsü. Iba tenangzüktep kübok ita asem tsüingda NST nem bus 43 agütsütsü aser service ulushitsü.

Bus tasentem ajanga passenger safety, comfort, aser reliability tajungba akümtsü aser tesem ajunga sendakteptsü.

Iba ya Tata Motors Limited aser sorkar ka tsüingda mezüingbuba structured procurement model ka lir aser NST-i bus teimtiba aliba mapa ka lir.

Tanü Chief Secretary Sentiyanger Imchen matsüingdang NST tenüing nungi Additional Chief Engineer Merangkaba Imchen, Finance Department nungi Ketoulhou Metha, OSD aser Tata Motors Limited nungi DGM (sales & marketing) Ajay Gupta nungeri iba tenangzüktep nung sign süogo.

Assam Assembly nung tetsür MLA 6 dang

Guwahati, May 5, 2026 (Agencies): Züingsem 126 agi akümba 16 buba Assam Legislative Assembly nung tetsür MLA 6 lir.

Assam nung vote enoktsürtem rongnung tetsür 49.97% lir aser taküm election nung tetsür voters 86.50% liasü. Ajisüaka, parnok shilem tulu agiaka assembly nungbo parnok nübo kanga ajema lir.

Tetsür MLA 6 ji - Nilima Devi (Mangaldai, BJP), Seweli Mohilary (Kokrajhar, BPF), Ajanta Neog (Golaghat, BJP), Rupali Langthasa (Haflong, BJP), Baby Begum (Dhubri, Congress) aser Diptimoyee Choudhury (Bongaigaon, AGP) nunger lir.

Parnok trok nungi punguji ruling alliance nung BJP nungi 3 aser AGP o BPF nungi kaka lir. Külen Opposition nungi tetsür MLA ka lir.

Tetsür takok angurtem rongnungi Ajanta Neog-i Golaghat nungi kümsük trokbenbuba takok nguogo. Lai Congress candidate Bitupan Saikia madak votes 43,759 agi takok angu.

Assam Assembly nung

tetsürtemi shilem agia aruba tajemba küma arur. 2011 küm Assam Assembly nung tetsür MLA 14 liasü saka 2016 nung parnok 8 dang aküm aser maneni 2021 nunga 6 dang aküm.

1952 nungi tenzüker Assam Assembly nung tetsür MLA 77-i dang takok nguogo aser iba ajanga state legislative putiotsü nung tetsürtem shilem kanga maliba sayur.

2026 Assam Assembly election nung candidate 722 rongnung tetsür 59 dang liasü. BJP-i tetsür candidate 6 liasü aser Congress-i tetsür 14 nem tickets agütsü.

Assam sorkari Orunodoi 3.0 aser Lakhpati Baideo maparen amala tetsür asoshi welfare schemes tenzüka inyak aser iba ajanga tetsür voters atsür aru. Ajisüaka iba ajanga tetsür candidates mesüra MLA aika anir marutet.

2026 Assam Assembly elections nung BJP-i aniba teloktepi menden 102 nung takok angu. Külen, Congress-i aniba opposition ajanga menden 21 aser tanga teloktemi menden 3 nung takok angu.

Governor Yadav-i Niuland district semdang



Dimapur, May 5, 2026 (TYO): Governor Nand Kishore Yadav-i May 5, 2026 nü Niuland district semdang aser Civil Society Organizations o sorkar department ketdangsurtem den ajurutepa senden ka menogo.

Iba senden nung adener ajak dang kanga pelar aser district administration-i sentong tajung ayongba atema tenüingsang agütsür ta Governor Yadav-i ashi.

Niuland ya Nagaland nung district tasentem rongnung ka lir aser teinyaktsü wadang jenti lir. Niuland nung alirtem longjema aliba aser nükjidong ajiteta kanga pelar ta pai ashi.

Kin telok balala külemi adenshiba ajanga amalitep aser putepa aliba sayur aser iba ya

terenlok o tejakleni aotsü asoshi kanga nüngdaker ta Governor Yadav-isa ashi.

"Niuland district semdangba ya nübortem taginüba, tayongzükba aser nüngdaktem angatetsü asoshi lir. Nübertemi nüngdakba inyaktetba ajanga terenlok angur anungji sendaktepa alir ajaki amalitepa sorkar maparen kilen shia atongtsü merangangma" ta paisa ashi.

Governor Yadav-isa lokti lenirtem, talisa GBs aser kin teloktemi lokti len anitsü aser nübortem tsüingda amalitepa adoktsü atema inyaktsü nenshi.

Niuland district ya model district ka akümtsü asoshi asenok ajak külemi inyakdi aser tebilemsü khuret bendi ta

paisa ashi.

Iba senden nung Department of Health & Family Welfare nungi Medical Officer Dr. Rosemary Sema aser School Education Department nungi TOT, ENRC Niuland Dr. O. Amihe Swu nati Power Point Presentation ajanga pei pei department indang osang lemsatetep.

Iba sentong nungsa Western Sumi Hoho President Vikato Achumi, Yimkhiung Arihako Niuland President K. Yimso aser Niuland District GBs Association President Isawoto Zhimomi nungeria o jembi.

Sentong nung Niuland Deputy Commissioner T. L. Kiusumong Tikhir menden liasü aser Niuland Town Sumi Totimi Loka-i sobaliba ken ka aten.

Musik-A küm 10 ajungba anogo amung



Dimapur, Monupii/May 05 (TYO): Musik-A (Alobo Naga School of Music) lapoker küm ter (10) ajungba anogomung Town Hall, Dimapur nung May 5, 2026 nü amungba sentong nung Nagaland Angh Nand Kishore Yadav aden.

Iba sentong nung jembidang, iba alizüing ya mapang nung temaitsü ka kisüing masü saka bendanga agütsüba, tejangraba aser ken nung telungiem tashi aliba kuli ka lir, ta Yadav-i ashi. Iba yagi kentener nem sapang balala agütsür, sempet

aliba lanurtem aniteter aser generation balala süaka 'creativity' adokdaksür, ta ashi. Ken ya art ka dang masü saka nüburttem ajungmesotsü, ajungkettsü aser lokti nung temelenshi tajung bener arutsü atema teinyaktsü ka lir, ta Angh-i ashi. Pai kaketshirtem dang maneni yimya tajung nung angazüktsü ajungshia liasü. Kasa sentong nung Nagaland Angh-i Musik-A indang official website sayatsü.

Musik-A tenzüksang Aloba Naga-i iba sentong nung jembidang, kentenba sentongtem aser education ajanga asen sobaliba aser yimsü temaba jenjangi ajungkettsü tangatetba nung inyaker, ta ashi. Asen maitsü ya asen tashi lir aser aji benjongtsüla wazüka ayutsüla aser alima den lemsateptsüla, ta pai ashi. Iba sentong nung taoba minister Y Vikheho Swu aser taoba MLA Khriehu Liezietsu natia o tatsütsü jembia liasü.

Chakhesang Students' Union-i ILP verification drive ayongzük

Dimapur, Monupii/May 05 (TYO): Chakhesang Students' Union (CSU)-i Phek district nung April 21-30, 2026 anogotem Inner Line Pass (ILP) verification drive ayongzüka liasü.

Nüburttem temeden aser tejangraba wazüka ayutsü aser illegal migrants tem region-i sapoka aitiba azüoktsü nükjidong nung iba mera ya parnok i ashi.

Iba mapang non-locals nisung 481-i ILPs tejangja bena aliba ngutet, saka ILP shidak bena maliba nisunga 21 puteta liasü.

Parnok 21 nungi Phek district kübok aibelener nisung 12 tashi contractor Sunil Debnath kübok liasü, Chizami nung contactor Mhao Humtsoe kübok nisung tenet aser Pfutsero nung contractor Keviyua John Bosco Sote kübok aibelener ana liasü.

Iba sülen CSU-i ILP defaulters 21 anema police

stations balala nung Bengal Eastern Frontier Regulation (BEFR) Act, 1873 kübok FIRs benoka liasü, ta CSU sangdong ka ajanga ashi. Ajisüaka CSU-i iba osang agütsür mapang talangka melie administration-i parnok nem ILPs agüja aibelener tem chiokba ya tebilemtsü tulu lir, ta ashi. Parnok chiokba nung kuli ya 'non-cognizable' aser FIR benoktsü metemsü ta agüja lir, saka ILP ozüing nung aibelena ya 'cognizable offence' lir aser regular cases benoktsüla, ta CSU-i ashi. BEFR Act, 1873 nungya Inner Line telungzük nung tejangja pass maben aitba mesüra aita aliba temerenshi küm ka tashi tepuokdak ayutsü, sen 1000 malemi senchi achitsü mesüra temerenshi anaprong agütsütsü shia lir. Anungji sorkari ILP nung temulung tali agütsütsüla aser

ILP nung aibelener tem ya administration ajanga masü saka ozüing inyakyim shidak amshia court dangi bener arutsüla, ta ashi. CSU-isa ILP nung aibelena ken o amshitsü atema Police Station shia Officer-in-Charge temeja shimtsü ayongzüka liasü. BEFR Act, 1873 ozüing ya kanga tejen lir aser yangji senchi sen 1000 ta shia aliba ya tanübo khenyongi mapet lir. Iba ozüing yanglur küm 150 dak tema arur 2026 nung iba ama temerenshi agütsüba yagi aibelener tem metsübor mesüra süoki ia magir, ta ashi. Onoki mapang shia ILP verification drives ya tarutsü nunga maneni agütsü, ta Chakhesang Students' Union sangdong nung shia lir aser affiliated units aser subordinate bodies tem dang saksalema alitsü aser non-locals tem arua aliba mesüra mapa inyakba süoki ia reprangtsü ayongzük.

Pangti yim dak Adult Literacy Campaign tenzükogogo

Dimapur, Monupii/May 05 (TYO): RD Sanis Block kübok Pangti yim dak Adult Literacy Campaign tenzükba sentong ka Community Hall, Pangti nung agia education ajanga tetsür nem tashi agütsüba tsütsü tongtipang mera ka agia liasü. EAC Sungro, Er. Moasanen Imsong-i iba sentong nung o tatsüka jembidang, tetsür kaketshirtem tasü ita azüingtsü telemtetba agiba atema tenüngsang agütsü aser education atema arishi küm tatakzük mali ta ashi. Pai parnok dang pei nükjidong atongtsü asoshi aremzüktsü ajungshi aser iba ama literacy campaign ajanga nisung shiai takum nung lenmang balala ngutettsü, ta ashi. Paisa iba inyakyim ajanga

tetsürtem nem tashi agütsütsü aser Pangti yimtsüingi temelenshi tajung bener arutsütsü imlar ta shia liasü. Department of School Education tenüing nung Sr. SDEO, Nchumbemo Jami-i jembidang iba sentong nung angazüktsü tejangraba nung shilem agiba asoshi pelaba lemsatep aser parnok tesayurtem den amalitep akatsü ayongzüka liasü. Paisa yimtsüing nung civil society telok tem dang iba campaign takok angutsü asoshi yariteptsü ayongzük aser department-ia nungdakba nung akok tashi yariteptsü ta ashi. Iba sentong nung stakeholders balalai jembia aser iba campaign takok angutsü atema yaritsü nangzüka liasü.

District Hub for Empowerment of Women (DHEW), Wokha aser Head GB, Pangti Village, Nyimtsemo Odyuo nungeria o tatsütsü jembia aser CLF Member, Renthunglo Shitiri-i pela agizükba o jembia liasü. Iba sentong ya PRI-CBO Convergence kübok Samyan Federation, Sanis Block aser Nagaland State Rural Livelihoods Mission ajanga Wokha District Administration, Department of Social Welfare, District Hub for Empowerment of Women under Mission Shakti (Beti Bachao Beti Padhao) aser Department of School Education den lungiemer ayongzüka liasü. Iba Adult Literacy Campaign atema tetsür 87 tenüing agütsüogogo

100 Days Ayushman Students Coverage Mission tenzüktsü

Dimapur, Monupii/May 05 (TYO): Nagaland Health Protection Society (NHPS)-i District Administration den lungiemer May nungi August 2026 tashi "100 Days Ayushman Student Coverage Mission" mapa inyaktsü.

State ajunga nung iba inyakyim nung shilem ka registration aser Ayushman card generation camps ya jangjateta aliba kaketsü.

ajunga nung temsüa aliba kaketshir ajak Ayushman Bharat Pradhan Mantri Jan Arogya Yojana (AB PM-JAY) aser Chief Minister Health Insurance Scheme (CMHIS) kübok tenüing zülüoktsü asoshi ayongzüktsü. Iba mission yagi kaketshirtem health security tashi itshia item scheme kübok healthcare nung tetsükdaksü makai teyari agitettsü.

District Planning Machinery office tesem melenshir

Dimapur, Monupii/May 05 (TYO): Office of the District Planning Machinery (DPM), Dimapur tesem melenshia Planning Rest House, Supermarket area, Dimapur nung belenokogo. District Planning Officer, Tinukumzuk-i May 5, 2026

nü sangdong ka agütsüba nung, administrative mechi tesem ya melenshi, ta ashi. Anungji nisung ajaki tarutsü nung inyaksangshitsü atema iba temelenshi meteta alitsü metetdaksür, ta sangdong ajangasa ashi.

Wokha nung IT oset lema agütsür aser Aadhaar enrollment tenzükogogo



Dimapur, Monupii/May 05 (TYO): District Economics and Statistics Office, Wokha ajanga IT oset lema agütsüba phase mezüingbuba aser tanur arishi küm 0-5 tsüingta alirtem Aadhaar enrolment tenzükba sentong ka May 5, 2026 nü Deputy Commissioner, Wokha indang Conference Hall nung agiogo. Deputy Commissioner and District Chief Registrar of Births and Deaths, Wokha, K. Mhathung Tsanglao, NCS-i iba sentong nung o jembia aser tanurtem atema Aadhaar registration tenzüktsü. Pai iba sentong nung jembidang, digital formats dangi melentsü tongtipang kumogogo ta ashi aser lenmang balala nung amshiba indang ashi. Birth and death registration aser tanurtem atema Aadhaar

enrolment ya tongtipang ta nüburttem nem angatetdaksütsü aser yimya shidak amshia registration asütsü atema awareness nungdakba indang pai jembia liasü. Additional Director, Directorate of Economics and Statistics, Charles Kikon-i jembidang, mapang shidak nung asoba aser asüba aser tanurtem Aadhaar yanglutsü tongtipang lir ta ashi. Iba sülen sensaksemba mapang ka agia yimtsüing balala nungi registrars temi menur registration asüba nung tetsükdaksü ajuruba aser timtem majurutsü atema mapang telatet aser tesemtem indang asüingdanga liasü. Wokha nung mezüing phase IT oset lema agütsüba mapang yimtsüing 28 zülüoka liasü.



District Fishery Officer, Kiphire ajanga May 2, 2026 nü Kiphire nung Training and Extension 2026-2027 kübok ornamental fish culture training agütsüba nung shilem agir aser ketdangsurtem noksa nung angur. Iba training nung adener nisung 25 liasü.



TMC tir Mamata Banerjee'er kima lenmang nokdangba agütsür aliba agintsüba sülen nüburttem sadem sadema senzü tenzükogo.

Election ya tangar asalendong tamajung agi makok: Mamata Banerjee



West Bengal nung BJP sorkar May 9 nü tenangzüktepba agitsü

New Delhi, Monupii/May 5 (Agencies): Bharatiya Janata Party (BJP) nungi shimba lenir tasentem West Bengal nung sorkar tasen ka tentettsü atema May 9 nü tenangzüktepba agitsü, koba Rabindranath Tagore asoba anogo den denchiteper.

Party lenir Suwendu Adhikari, shibai Bhabanipur nung Trinamool Congress (TMC) convenor Mamata Banerjee tsükdakja liasü, pa chief minister akümtsü imlar.

Hombarnü West Bengal election result sangdongba nung Adhikari-i vote 15,105 dak tema agi Banerjee tsükdaktsüba nguogo.

"Ato Kilonseri May 9 nü ya Pochishe Boisakh ta sangdongogo. Iba anogo ya Rabindranath Tagore asoba anogo lir. Tenangzüktepba iba anogo agitsü," ta state BJP tir Samik Bhattacharya-i ashi.

April ita Barrackpore nung rally ka nung shilem agiba mapang PM Modi-i, pa sorkar tasenba tenangzüktepba agiba sentong nung shilem agitsü atema Kolkata-i meyipa arutsü ta shia liasü.

Monbarnü election result sangdongba nung BJP-i menden 206 koka takok nguogo. Trinamool Congress (TMC)-i menden 81 koka liasü.

West Bengal indang chief

electoral officer-i, May 6 nü Angh RN Ravi nem osang tejangja agütsütsü imlar.

2021 state election nung Banerjee aser Adhikari na Nandigram nung toktep, saka la vote 1,956 agi tamakok angu. Iba sülen la Bhabanipur by-election nung toktepba takok angu aser chief minister mapa maneni bena liasü.

April 23 nü election mezüngbuba shilem nung menden 152 atema vote agütsü aser April 29 nü menden 142 atema vote agütsü liasü.

2011 küm TMC-i Left Front sorkar atsüngtoka sorkar kümtes, saka tang parnok BJP-i atsüngtokogo.

New Delhi, Monupii/May 5 (Agencies): TMC tekolakba aser mapa toktsütsü aliba West Bengal chief minister Mamata Banerjee-i Mongolbarnü, la mapa nungi manentsü ta ashiba den election ya nüburttem maginüba agi masü saka tangar asalenlentong tamajung agi makok, ta shisem.

Osangbenertem den sensaksemba mapang Mamata-i, election ya ochishia magi ta ashiba den election inyakyim nung jungshiba aser election ya tashiyim agi azioktsü atema central force tem amshiba atema BJP aitsüogo. Laisa lar party-i election result indang ashishitsü aser yimden yimsüsüba tsütsü maneni raratsü, ta shisem.

"Ni mapa nungi manentsü. Onok ya nüburttemi maginüba agi masü saka asalentong tamajung benoka inyaksangshiba ajanga tamakok angu," ta Mamata-i ashi.

Mamata-i, lar party tashi taitba meyipa arutsü ta ashi. "Onoki keyi ama raraogo aser tashi taitba meyipa arutsü, saka sorkari indang indanga minprongba ya tebilemtsüka lir," ta Mamata Banerjee-i ashi. Maneni Mamata-i, lar party

ya BJP den dang masü saka Election Commission of India den rara-a liasü, ta ashiba den TMC-i EC anema jenjang agitsü, saka iba indang tangbo memettdaktsütsü, ta shisem.

"Onoki jenjang agitsü, onoki meyiper raratsü. Ajisüaka iba atema tasabo memettdaktsütsü. EC anema jenjang agitsü asoshi ano tang tashi telemtetba magi," ta lai ashi.

TMC tir yagisa, lar party nung inyakerkem kar tetsübu agi BJP nung adentsü ta angazükogo, ta ashiba den parnok kümzüka alitsü atema parnoki iba jenjang agira lai mepelai malitsü ta shisem.

Kasa mapang nung Mamata-i, INDIA bloc lenirtem dang parnok teyari atema kanga pelaba lemsatepogo aser lai parnok den longjemer inyaksü ta ashi.

Tashi ya teti atema masü aser parnok office nung tuguba sülen parnok daka kasa ya ataloktsü ta shia lai BJP nem tekümdangtsü metettdaktsü. Mamata-isa, lai Rajiv Gandhi, Atal Bihari Vajpayee aser Dr. Manmohan Singh nungeri aniba sorkar nguogo, saka iba amala tashiyim amshiba sorkar mongudang ta ashi.

Punjab CMMann-i Chadha aser AAP toktsüba MP tem aitsü

New Delhi, Monupii/May 5 (Agencies): Aam Aadmi Party nungi Raghav Chadha aser tanga Rajya Sabha MP tork-i party toktsüba sülen Punjab chief minister Bhagwant Mann-i iba inyakyim ya aitsüogo aser MP temi parnok inyaknüba ama dang minyaktettsü ta ashi.

Mann-i Mongolbarnü tir Droupadi Murmu ajuruogo aser Punjab nungi Rajya Sabha MP trok ya agintsü takhangba agütsüogo, shirnok BJP nung denogo. Chadha-i tir den senden ka amenba sülen mapang tatsüka dang lir CM-i tir den ajurutepe liasü.

Tir Murmu den ajurutepeba sülen osangbenertem den

sensaksemba mapang Mann-i ashiba agi, ajak atema temzüng ozüng ka lir. Paisa, Bharatiya Janata Party nung adenba atema lenir tenet ya aija liasü.

"Onok indang MP ter nungi tenet longjemer tanga party nugn adenba sangdongra iba atema temzüng ozüng mali. Parnoki parnok mulungba ama minyaktettsü," ta pai ashiba ANI-i metettdaktsü.

Punjab CM yagisa, Chadha aser tanga MP temi AAP nung medennüra parnoki resignation benoker tanga party nung adentsü asü, ta ashi.

Mass-isa, AAP MP teneti jenjang agiba ya temzüng ozüng anema lir ta shia parnok ya Rajya Sabha nung MP ama

inyaka aliba anentsütsü ayongzük.

Kasa mapang nung Mann-i iba olen lemsatepba sülen Rajya Sabha MP Raghav Chadha-i Mongolbarnü AAP-i aniba Punjab sorkar aitsüogo aser ashiba agi, tawa party toktsür Rajya Sabha nung BJP den adenba MP tem anema state machinery tem mashiyimi amshir.

Raghav Chadha, Sandeep Pathak, aser Ashok Mittal nunger densema Punjab nungi AAP MP teneti Rajya Sabha nung BJP den adenba sülen Mann-i iba olen ya lemsatepogo.

Item MP tem adenba sülen upper house nung BJP menden 113 jungogo aser Aam Aadmi Party atema takoksa tulu lir. Tang Rajya Sabha nung AAP MP asem dang kümogo.



Shimla nung All India Mahila Congress tir Alka Lamba den party kübok inyakerktemi 'Nari Shakti Vandan Abhinyam 2023' benoktsü khanga linük ajunga nung campaign ka ayongzük agiba mapang PM Modi dangi postcard tem yokba noksa nung angur.


**पावरग्रिड
POWERGRID**

North Eastern Region nung "NERSS XI" kübok asset ana atema 2024-29 tariff block asoshi transmission determination aser 2019-24 atema Transmission tariff truing up asoshi petition.

1. Ternalen shisema aliba Transmission system atema beneficiary temji (a) Assam Power Distribution Company Limited (b) Meghalaya Power Distribution Company Limited (c) Government of Arunachal Pradesh (d) Power and Electricity Department, Mizoram (f) Electricity Dept. of Puducherry (g) DOP, Nagaland (h) TSECL.

2. Tariff dak sendakba nung osang tejangja:

a) 2019-24 block				Rs. In lakhs				
Asset detail	DOCO	Completion Cost as on 31.03.2024		2019-20	2020-21	2021-22	2022-23	2023-24
Asset-1	01.04.2023	2301.40	Revised AFC based on truing up	-	-	-	-	440.87
Asset-2	13.09.2023	1878.58	Revised AFC based on truing up	-	-	-	-	202.73

b) 2024-29 Block				Rs. In lakhs				
Asset detail	Completion Cost as on 31.03.2029	AFC		2024-25	2025-26	2026-27	2027-28	2028-29
Combined Asset	4660.51			840.53	860.85	886.95	889.50	879.10

4. Tariff determination atema application indang copy ka applicant indang website www.powergrid.in nung agüja lir.

5. Petition nung tariff determination atema benokba nung keta aliba dak sendakba nung teblemba aser tashishibatem nisung masi kati benoktetsü, kong beneficiary tema densema lir aser iba ya Commission indang e-filing portal ajanga agütsütsü meürä Secretary, Central Electricity Regulatory Commission, 6th, 7th & 8th floor, Tower B, World Trade Centre, Naoroji Nagar, New Delhi - 110029 (or other address where the office of the Commission is situated) dangi tezüba den petitioner indang copy ka osang agütsüba sülen anogo 30 tsüngda iba indang corporate office address nung benoktetsü.

Place: Gurgaon Sd/-
Date: 04.05.2026 General Manager (Commercial)

POWER GRID CORPORATION OF INDIA LIMITED
(A Government of India Enterprise)
Corp. Off.: Saudamini, Plot No.-2, Sector-29, Gurgaon, Haryana-122001 Phone No.: 0124-2822000, 2823000
Regd. Off.: B-9, Qutab Institutional Area, Katwaria Sarai, New Delhi-110016 Phone. No. 011-26560112
Website: www.powergrid.in, Email ID: investors@powergrid.in, CIN: L40101DL1989G0I038121

A Maharatna PSU



TIR YIMYIM

YIMOBILEM (EDITRIAL)

DIMAPUR WEDNESDAY, MAY (MONUPII) 06, 2026

Angateter Meinyaktetba Election

Election ya nübortemi yimten nung yimsüsürtem shimba sentong ka lir, anungji nübortem dak ochi lira yimsüsürtemji ochishir asütsü saka nübortem dak ochi melira yimsüsürtemjia nübor mesük ochimashirtem asütsü. Aji oda, yimten nung yimsüsürtemji nübortem tanü dangtsü lir, anungji nübortem jungra tanü dangtsü nungji yimsüsürtemji junga angutsü saka nübortem majung ser kasa noksaji tanü dangtsü nungji kodaser junga angutsü? Ajisüaka, aiben asenoki yimten nung ochimashi mapatem ajak ya yimsüsürtem ochimashiba kisung agi inyaker amai bilema yimten yimsüsürtem aitsür. Ibaji asenoki election mapang sen yong aser mapa yong asen temeten ayokba to amadoker jembiba olen ka asütsü. Aji oda, asenoki election mapang inyakba rongnung tesung mangtsü kaji, asen yimer ajak longjemer tashiyim amshia yimsüsür shimtsü meranger. Idangjibo, asenoki tasüa majem inyaker aser yimtsür yimer aser kinunger adianu taküma mapayur. Ibaji odangbo masü. Aji ochishia tangatetba tajung agi inyakba mapa ka masü. Ibaji taa dalang agir inyakba mapa ka lir. Aji oda, asen taküma mapayui inyakba mapaji sen kwi jenjangbo asütsü ? Iba jenjang jagi asenok ajak longjemer MLA menden ka alanzüker aser iba menden nung amensangji, temeimtsüka, ochimashi mapa inyaksüsa akümer. Tanü asen lima yimten tia ya , atangji, temulung ashitsüka lir. Iba tia tamajungba ya tajungba kuma melenshitsü asoshi tamasa nübortem tangatetba aser jakla yimya melenshitsü kanga nungdaka kumogo. Ibayongji, arogo aser lokti tenteti anir election ochishia merüka agitsü asoshi nübortem nem tangatetba agüja " Clean Election" sentong agia jajar. Iba Clean election sentong ajanga nübortem nem pei vote ya yimten nung pei temeten ta angateta sentisa amshitsü tangatetba agütsür. Aji oda, vote yabo alitsü aser ayoktsü makokba senso temeten ka lir, anungji vote ayokba, vote aliba aser vote enoki maoba ajakji peisasa pei temeten memetet aser mangatet ser inyakba mapa ka asütsü. Kasaji, election mapang tangar vote rakzüka enoktsübaji tangar tashimaitertem yaritsü melen parnok tia raksar asütsü. Aji oda, tashiyim amshir aser rakzükratemer shimba yimsüsürtemi ochishia inyakdi asüyonga ochishia meinyaktettsü aser tashiyim amshir aser rakzükratemertemi kumtsüba yimten jagi ochishia yimsü mesütettsü. Aji oda, tanü asen lima nung ochishia election agitsü asoshi Clean election sentong ajanga item tangatetbatemji agüja inyakaka meinyaktetbaji nübortemi mangatetba agi masü saka angateter mapa kuma meinyaktetba ajanga lir, anungji angateter ser nung kechiba election ochishia magiteter ta asüba tasung dangba nung telangzüba bushitsübajiang 'Clean Election' sentong nung tongtibang teinyaktsü ka kumogo. Ashiko, asenoki election mapang pei vote mayoktsüla ta ashiyonga ayokbaji mangatetba agi masü saka makamaitba agi asütsüa akok, kechiyong yaseta aliba nisung ka asoshi amtsük telong tila kajia tsungrem amai agizüksü. Iba ama sensak tia jagi asen nübortemi ochishia yimten nung shilem aginüaka magiteter süra, asenok lokti aser arogo nung lenirtemi nübortem dang election mapang pei vote teyok ta masü saka pei vote yoka machitsüsa nübortem dang mapa inyaktsü ajungshia lenmang sayutsü nungdaker. Atangji, ibai yimten tongpang lir, anungji tongpang nung lenirtemi nübortem dang oang ta masü saka tongpang tejaklen nokdaka yur arung ta ayimoktsütsüla. Tanü asenok lenirtem dak tashimait kaji asenok ajaki tesülen nungi oang ta dang ayimoktsür, saka tejaklen nungi arung ta ayimoktsürbo mali kumogo. Aji oda, joko asenok Clean Election sentong nung 'Senso Candidate' meshimtsüla ta ashitsü menügdaker aser vote mayoktsüla ta ashitsübajia o shilu ka dang kumogo. Item ajakji mangashi aser mangatetba agi masü saka angateter mapa kuma meinyakteterba dang lir, anungji tangatetbaji mapa kuma inyaktsüsa asenoki nisungtemji mapa inyaka mazüngi yutsütsü nungdaker, kechiyong tangbo asenok aika mapa meinyaki election aru atartem dang kumogo ! Item jagi sen meshir senso candidate shimtsü aser tangar vote alitsü aser malitetra rakzüksü. Iba mapaji parnok mapa, saka iba mapa jagi parnoka tesensakba dang akümer, anungji iba mapa melenaji parnok asoshi mapa tajung ka sarasadema bushitsütsü nungdaker. Ibaji kechi mapatema asütsü ? Bilemdangdi !

OLEMSABANG

PEISASAPEI TEMEYONG METEP SHIBA

~ L. Kika Pongener

(Yashi adok nungi...)

Arogo nung toklang tenzüker karibo...Pa/la tenzüka arogo tashimaitba aser majungba indang; pa/la aolen kipok ajak nung aser lokti sabang nunga jembir....Iba tashimaitba aser majungba nungji pa/la-bo maden amai meshi-meraka jembir. Arogo ka tashi-maitba aser majungbaji Pastor kija tamakok masü toklang tenzüker ajak tamakok asütsü. Shitakba jembidi sura, iba tashimaitba aser majungbaji; toklang tenzükertemi pei teinyaktsü mapa makokba; temulung agüja, nendak-nendaka meinyakba; aser züba-zülema tenzüka agi arogo-ji tashi maiter aser majunger. Arogo ka tanela (Spiritual) nung mejangruba aser tanela nung mainbaji....Toklang tenzükertem tsungda nung kati ka majinutepeba, kati ka arishiba aser meputepba agi arogoji tanela nung rajang kumdaktsür aser sudaktsür (Dead). Toklang tenzükertemi pei tenzüka arogo tashimaitba aser majungba indang sensa-masaa jembidangji....Nuburtemi ibaji nenoki pei mapa makokba aser pei teinyaktsü shilem shitak meinyakba ajanga tashimaiter aser majunger....ta menuja angaar...!!! Toklang tenzüker ajaki pei teinyaktsü shilem shitak inyakra arogo-ji ajungtsü aser tashi aittsü. Kechiyong toklang tenzükerji iba atemaji itasen dalang agütsür ayu....ta pei sasa angatettsüla. Anungji arogo nung toklang tenzüker ajaki pei tenzüka arogoji meraketa, akümketa wazüka ayutsüla. Lennir shibai pei tenzüka menden pei sasa sensa-masaa jembir....Pa/la dangji lennir tajung ta majar. Arogo tenzüker kati pei tenzüka arogo tashimaitba indang tetla-tetshia aser sensa-masaa jembibaji....Pei sasa pei temeyong metepshir asütsü.

Nubur rongnung karibo pei yimtsür-yimer majungba indang sensa-masaa aser tetla-tetshia jembir. Laishiba nung züngra....Yihuda nungeribo bendang lima nung alar tia nung alidanga; Yirusalem tsütsü kijiba lapoker; Yirusalem yimti repranga sarasadema angur. Yihuda nunger bendang lima nung tepuokdak alar tia nung alidang; parnoki pei tetsü taso lima Yirusalem yimti menungra-a jembiba...."Oh Yirusalem, ni na amaadokra, kü teka tajichiji ashirepdakjang. Ni na meblem tetra, kü tepela tematiba dang taoba, ni Yirusalem meyutsüra, kü temeli kü tawa/teküm nung neploka kumdakjang (T.Ken-137:5-6). Yihuda nungeri pei tetsü taso lima meimba....Shibai Yirusalem amaadokdir; pa/la-jibo teka tachiji ashirepdakjang aser temeli tawa aser teküm nung neplokdakjang....ta pei sasa atakadema jembiba angur. Asenoka shirnoki pei tetsü taso lima mesen-metur aser sensa-masaa jembir....Iba nisungji azükaro masütsü....Tulur-a suang; tilar-a suang; shiba sudir suang; alima talang nung oa England-America nunga liang....Pei tetsü taso lima mamatoktsüla. Shirnoki/shibai pei tetsü taso lima tetla-tetshir, mesen-metur aser sensa-masaa jembir ; parnok jagipei sasa pei temeyong metepshir asütsü.

Shirnoki pei kinungtsür, pei kinungpur, pei telok aser pei yimer tashimaitba aser majungba indang tetla-tetshia aser sensama-a jembir....Item yimsusur, lennir aser tenzüker dangji mashi-malo nisung ta ajar....Aser pei sasa pei temeyong metepshiba nisung ta ajar. Anungji yimden yimsusur, lokti lennir, arogo tenzüker aser nubur ajaki.... Pei tenzüka yimden, arogo, telok, pei apuani aser pei yimtsür-yimer tushia aser keta-sena jembitsüla aser akümtsübutsüla.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Tourist rong lendong atema Indian bishop temi mang ayimer



Madhya Pradesh Tourism Department meyong rong ka tzü nungi atsütetba noksa nung angur. Iba rong ya April 30 nü Jabalpur district kübok Narmada ayong nung Bargi tzü nokdang nung makepoka tetsür aser tanurtem densema nisung 13 asü.

Bhopal, Monupii/May 05

(Agencies): Madhya Pradesh nung tourist tem mena aliba rong ka tzü nung makepokba lendong nung asürtem asoshi Catholic Bishops in India-i mang ayimer aser linük tesem ajunga nung safety protocols shidak amshitsü ayongzük.

Madhya Pradesh Tourism Department indang cruise vessel ka April 30 nü lendong ajuruba nung tetsür ti aser tanur pezü densema nisung 13 asüba osang lir.

Iba rong nungya tourist 39 aser rong tanishir ana mener Jabalpur district kübok Narmada ayong nung Bargi tzü nokdang nung lia yipru aita rong ya makepok, ta District Collector Raghavendra Singh-i osangbener dang May 3, 2026 nü ashi.

"Rescuers temi nisung 28 takum kumzükter aser nisung 13 tasümang ya nguteter autopsy agir kinunger nem agütsüogo," ta pai ashi.

District administration-i iba lendong ajurur alirtem

bushiba May 3 nü anenogo, koba lendong ajurur anogo pezünü buba alitsü, ta Singh-i ashi. Catholic Bishops' Conference of India (CBCI) ajanga iba lendong asoshi mangyim tejashi lemsatepa liasü.

"Asür kinungertem den onoki temulung taroktiba nungi asükhu lemsateper," ta May 2 nü sangdong ka nung ashi.

Parnoki local administration dang iba lendong ajurur aliba kibongtem nem teyari ajak agütsütsü ayongzük aser rong amshir temi water safety norms shidak amshi asübo iba lendong ya majurula ta ashi.

Parnoki iba ama lendong tanaben majurutsü mechi tourist tem senzüba rong nung water safety protocols kanga junga reprangshitsü ayongzüka liasü.

CBCI indang odongtar Father Robinson Rodrigues-i, rong ketdangsur temi water safety norms shidak amshi asübo nisung kata mesüla, ta

ashi. "Lendong majurudang tangokba video footage nung passenger tem life jackets masem rong nung mena aliba tejangja sayuogo. Yipru agi rong nung kongshir tzü telungi alutsü lia parnok nem life jackets agütsü," ta Rodrigues-i UCA News dang May 4 nü ashi.

Iba ama lendong ya tanaben majurutsüla aser state sorkar ajungai linük tesem ajunga nung water safety protocols shidak amshitsüla ta putiri ashi.

"Iba lendong ya asenok ajunga asoshi tangazüktsü ka asütsüla," ta pai ashi.

Madhya Pradesh sorkari additional home secretary tekolakba sür high-level committee ka shimogo aser parnoki iba lendong adokdaksüba tera bushitsü aser rong ketdangsur safety protocols shidak amshi asü masü ta bushitsü.

Iba committee dang iba report hopta ana tsüngta agüjang ta totuyuba agütsüogo.

ANOGO ABEN TSÜNGREM DEN

Tanen Makai Meimba

Aser Kibubai kü dang ashi, ano oang, züngatsür ka shiba la tembari meimer aser nükta pangtatsür ka lir, la meimang: oda Israel chirtemi tangar Tsüngrem dangi meyipaka aser kismis amtsük meimaka, nai meimang. Hosea 3:1

Meimchiri Tsüngremi Pa chirtem meimba angajemtsü makok! Meimchir telatet temeim asenoki ajangshia aruba tangatetba agi Tsüngremi odang asenok meimba nung tetsükdaktsü agütsür. Asenoki iba temeim noksa Hosea taküm nung angur.

Hosea temeshi nisung ka liasü, saka temenentsür ka agitsü Tsüngremi pa dang ashi. Hoseai tashi angaa Gomer pa kinungtsü asütsü agi. Pai la peladaktsü aser akhüm tsübua amshi. Gomeri iba ama temeim ajangshia maru, saka lai yakta temulung masü aküm. Lai la temeim tangar tebur nem agütsü. La nükta pangtatsür ka aküm aser yakta Hosea toktsü. Tangar nisungi la amshi aser la kecha makai aküm. Idangji parnoki la alar asütsü ayok. Iba sülen, Tsüngremi Hosea nem tesüngmangtsü ozüng ka agütsü: "Oang aser la tanaben alizükang." Gomeri pa yirutsüa liaka, Tsüngremi Hosea dang la dang tai atoktsü ashi aser alizüker kidangi anir arutsü ashi.

Tsüngremer osangji tejangja: kodang asenoki Pa magizüklir aser asenok tebilemba tangalen kati meyipdar, nükta pangtatsüri inyakba mapa nung temulung amsaba ama kasa timtem agütsür. Ajak rongnung Tsüngremi asenok asoshi inyak, ibaji memetetti alitsü makok. Asenoki Pa mesentoktsüla. Asenoki Pa amadokaka, Tsüngremi kodang asenok mamadoker, asenok temeim dang nungi Tsüngrem temeimji balaka lir. Pa temeimji tabensa temeim lir. Pa temeimi asenok Pa dangi anir maru tashi asenok temenen taroktiba tashi bushir. Pa temeimi ajem ajema malir. Kodang asenoki Pa nungi pilaa odir Pai maneni asenok anishir. Koda tesüngmangtsü temeim Pai asenok dang sayu, meimer.

Singapore tekülem kidangi aor dak züka merenshir nisung ka apu



Singapore Life Church noksa.

Singapore, Monupii/May 05

(Agencies): Protestant arogo ka nung Khristanpur ka tekülem kidangi aodang teka sangshia yirutsüba mechi Singapore police-i China nungi jakzükba Malaysia nunger tebur ka puogo.

Tenüng agüja malisang arishi küm 33 tan tebur ka yagi May 3 nü Prinsep Street nung aliba Presbyterian Singapore Life Church nung timtem agütsüba ken o benok, ta Rakayat Post ajanga ashi.

Temulung melemi alisang ya

tekülem kidangi aita nisung ishika dak teka agi ama aser jena ao, ta Singapore Police Force (SPF)-i ashi.

Police-i ashiba agi, parnok nem anepdang 9:00 ako nung osang agütsü aser temulung melemi alisang ya tesem balaka

nung apu. Iba ken o nung bushisüngdangba mapang lir, ta SPF-i ashi.

Iba tatalokba yagi tekülem sentong nung timtem magütsü, ta Rakayat Post nung ashi.

Iba timtem atalokba sülen arishi küm 66 tain tetsür ka tenük nungi azü yima mozü kidangi anir ao.

Osang ajanga ashiba agi, iba timtem agütsür ya arogo züngsemtem den metettepa alir ka lir aser taoba mapanga yangji timtem agüja liasü.

Aitsüra, iba nisungba ya city-state indang Penal Code nung aibelenba mechi küm asem tashi tepuokdak ayutsü aser senchi sen Singapore dollars 1,000 (US\$784) achitsü mesüra anaprong agi merenshitsu.

Singapore ya linük tilaka lir, kong nütsüng yongsük million trok shi alir aser iba linük nungya tamangba yimsü aser

kin balala kanga junga amshiba policy tem lir.

US nung aliba Pew Research Center ajanga Diversity Around the World nungja agütsür study ka nung Singapore ya 2020 küm "world's most religiously diverse country" nungja agüja liasü.

Sorkar indang data ajanga ashiba agi, Singapore nung alir shilem 31 shi Buddhism tamangba yimsü sülen anidaker, shilem 19 shi Khristanpur, shilem 15 shi Muslim nunger, shilem 8.8 shi Taoists aser Hindu nunger shilem 5 shi lir. Nüburtem shilem 20 shi tamangba yimsü kata sülena manidaker.

Singapore nung alir shilem 70 dak tema ethnic Chinese lir aser iba sülen shilem 13-15 Malays, shilem 7-9 Indians aser tanungba ya Eurasians, Europeans, Filipinos, Japanese aser danga temeyoktep kin lir.

AO OSHI ANGAZÜKDAK:

TANÜ ANGAZÜKTSÜBA OJANG



Yangpi

(v) maparen kar atema jelia asüngdangyaba (prior consultation)

* Lokti nung telemtetba magidang taintem den yangpi akatsüla.

Yangpong

(adj) shitak, atangji (truly, verily)

* Aseni jembiba ajak teti yangpong o asütsüla.

OLONG PAITEP # 7495

Grid for OLONG PAITEP # 7495 with numbers 1-16 in various cells.

TIPIEN

- 1. O jembitsü tashi - 8
5. Süngjang tapu ka - 5
7. Tekanük nung enokba - 5
8. Teka amtep - 5
12. Tzüik asendak - 5
14. Tsüngpang tema aliba - 5
15. Ken atenba yimya - 5
16. Asangur - 8

LANGTSÜNGLEN

- 1. Tepok telung nung shilem ka - 7
2. Tamajung aküm - 5
3. Chi den külemi achiba - 3
4. Meimchir alimai aruba - 3
6. Laishiba nung ayong ka - 4
9. Tarutsü nükla - 7
10. Tamendakdak/Nükjidong - 4
11. Tenük-telen mejungi aküm - 5
13. Terok nungi adokba - 3
14. Meimchir telemsa - 3

OLONG PAITEP # 7494 TELANGZÜBA

TIPIEN :

- 1. Taa, 3. Teküm, 6. Aibelen, 7. Aut, 9. Ajizük, 10. Ojala, 11. Semer, 13. Sen, 15. Kioktsü, 17. Itsük, 18. Kar.

LANGTSÜNGLEN :

- 1. Tai, 2. Asensor, 3. Tanü, 4. Kua, 5. Mitsüktsü, 6. Azübenshi, 8. Lah, 9. Jangkok, 12. Akok, 14. Nashi, 16. Sür.

NAI-A YA METETTER



Virginia, United States nungi arishi küm 22 tain Xavier Dillard-i Guinness World Record ka ajatettsü atema ghonda 24 nung 12,412 pull-ups süogo. May 2, 2026 anepdang 8:00 ako nungi Dillard-i pull-ups tenzük aser Deobarnü kasa mapang nung marathon exercise session tembang aser pai tesüiba otsü yanglua aliba den pull-ups 67 agi teimba süteta otsü tasen ka yangluogo.

Taküm January ita Mexico nunger Enrique Zapata-i 12,345 pull-ups süteta otsü tasen yanglua liasü saka Dillard-i ibaji ajatetogo.

AAPSU-i 'Statue of Honesty' atema kimung mekazüka ayur



Itanagar, May 5, 2026

(Agencies): All Arunachal Pradesh Students' Union (AAPSU)-i May 5, 2026 nü 'Statue of Honesty' yanglutsü atema ali mekazüka yuogo.

Arunachal Pradesh Public Service Commission (APPSC) paper leak asüba tuteta metetdaksüba asür Gyamar Padang nüngtem nung iba 'Statue of Honesty' yanglutsü.

Padang sür küm asem anungba anogomung nung tekülem ki anasa 6 KM nung AAPSU president Meje Taku-i anir züngsemtemi sentong ka

agia liasü.

Iba sentong nung AAPSU ketdangpurtemi anir züngsemtem, pusemertem aser temeket nung alirtem adenshi aser parnokki arem merükteta kimung mekazüka ayu.

Padang-i APPSC paper leak asüba ken o dak sendakba nung ochimashi jungkai adoka sayuba bilemteta 'Statue of Honesty' yanglutsü ta AAPSU-i metetdaksü.

Iba nüngshilung ajanga Padang-i tashishitsü malitsü, tebilemtsü khuret agitsü aser merit-based governance atema inyakba bilemtetdaksütsü ta

parnokisa ashi.

Padang-i inyakba mapa ajanga Arunachal Pradesh nung lanurtem aser kaketshirtem maneni ajungmesor ta AAPSU-isa ashi.

AAPSU-i iba kimung nung commemorative board ka sayaogo aser iba nung Gyamar Padang nem tetushi agüja kürakyanglu ka yanglutsü zülua lir.

AAPSU lennirtemisa Padang senmang wazüka ayutsü aser iba nüngshilung ya state nung ochimashi anema public-i noktakba tamaitüsü ka asütsü ta metetdaksüogo.

BJP candidate-i Dharmanagar by-election nung takok angu

Agartala, May 5, 2026

(Agencies): Tripura nung North District kübok Dharmanagar Assembly by-election nung Bharatiya Janata Party (BJP) ajanga takok tulu nguogo.

Tan by-election nung BJP candidate Jahar Chakraborti-i takok tulu angu aser iba ajanga BJP-i iba tesem nung tashi akangshiogo.

Jahar Chakraborti-i votes 24,291 ngua ayongayonga dang pa den tokteper madak takok angu.

Iba by-election nung CPI(M) candidate Amitabha Datta-i votes 6,001 aser Congress candidate Chayan Bhattacharya-i votes 5,936

ngua liasü.

BJP candidate Jahar Chakraborti-i 68% vote share jungnüa angu aser iba ajanga nübortemi BJP pusema nungitba sayur.

Chakraborti-i votes 18,290 ajanga takok angu aser iba ya Tripura by-election putiotsü nung vote teimtiba anguba rongnung ka lir.

"Dharmanagar nung alirtemi pusema nungitba atema kanga pelar. Nübortemi yamai yariba ajanga sorkari tebilemtsü khuret tuluba akümer aser iba tesem nung terenlok, yimjung aser tejakleni aotsü atema nangzükshir" ta Chief Minister Manik Saha-i metetdaksü. December 2025 nung Tripura

Assembly Speaker Biswa Bandhu Sen asüba ajanga by-election agitsüsa aküm. Dharmanagar Assembly constituency by-election nung vote enoktsür 79.84% liasü.

Final Results (Round 4/4, Counting Completed) Jahar Chakraborti (BJP)- 24,291 votes (Won, +18,290) Amitabha Datta (CPI-M)- 6,001 votes Chayan Bhattacharya (INC)- 5,936 votes Bibash Ranjan Das (Amra Bangalee)- 274 votes Sanjoy Chaudhury (SUCI-C)- 226 votes, Brajalal Debnath (Independent)- 126 votes. NOTA- 444 votes.

Deputy CM-i Ramakrishna Mission School hostel lapoktsü

Itanagar, May 5, 2026

(Agencies): Arunachal Pradesh Deputy Chief Minister Chowna Mein-i Ramakrishna Mission School, Narottam Nagar nung boys' hostel lapoktsüogo.

Tirap district nung aliba Ramakrishna Mission School nung Abhedananda Bhavan ta ser boys' hostel tasen yanglua liasü.

"1972 küm iba school lapokba sülen shisaliok angudak tongti ka kümogo. Iba reju ajanga NEET aser JEE amala national-level competitive examinations nung takoker kaketshirtem adokdakja arur" ta Mein-i ashi. "Arunachal Pradesh nung



Ramakrishna Mission ajanga healthcare aser community service nung shilem tulu agir. Talisa mission nung monk temi lanurtem anitetba aser lokti terenlokba nung shilem agiba atema pelar" ta paisa ashi.

"Iba hostel tasen ajanga school infrastructure tashi itshitsü aser meta talang pilar alidak nungi kaketshir talila arua

züngtetsü. Sorkari state nung education aser youth development asoshi inyakba rejutem nungita yaritsü tenangzükba lir" ta Deputy Chief Minister Mein-isa ashi.

Iba sentong nung Minister Pasang Dorjee Sona, Minister Wangki Lowang aser MLA Wanglin Lowangdong nunger aden.

China nung fireworks factory ka apok; nisung 26 asü, 61 yiru



Beijing, Monupii/May 5 (Agencies): Central China nung fireworks factory ka poka nisung 26 asüba den nisung 61 yiruba sülen tir Xi Jinping-i ken o bushisüngdangtsü tetuyuba agütsüogo.

Liuyang yimti nung amenoka aliba Huasheng fireworks plant nung lendong atalokba sülen anogo ka lir Xi-i Mongolbarnü iba tetuyuba ya agütsüogo. Iba yimti ya central Hunan province nung lir, kong nütsüing yongsük million 1.5 alir.

Xi-i, aibelena alirtem merengshitsüla ta ashiba den, samar alirtem bushitsü atema takokba tashi jenjang agütsüla, ta shisem.

Iba lendong ya Homabrnü nikonngtsütsü 4:40pm nung

ataloka liasü.

Local sorkari iba tesemi emergency personnel 482 yokogo aser ano factory indang warehouse tem nung bomb tem maneni pokyonga aotsü ta tsübua bilema factory temeket nung alirtem aninogo, ta state media sangdong ka ajanga metetdaksü.

Mongolbarnü maneni tekümzükba maparen balala benoka inyakba mapang iba lendong ajanga takoksa bener arutsüba tang tashi ajakbo mejangja.

Nisung samar alirtema osang agütsüba mapang tashi nung mejangjai liasü.

People's Daily-i social media nung lemsatepba video ka ajanga iba factory temeket

nung kitem aika raksar aliba sayuogo.

Video caption nung public security ketdangsürtemi company incharge anema jenjang agiogo, ta shia lir, anungji iba nisungba ya pur alitsü ta bilemer.

Xi aser Premier Li Qiang napronglai iba lendong atalokba sülen mapa inyakba tesem nung safety measure tem asadangshitsü ayongzükogo.

Liuyang nung ya China indang fireworks exports shilem 70 shi adokdaksür aser linük domestic shishilembadaka shilem 60 bo ayimjemer.

Liuyang nung tesüsa 2019 küm iba amala mesükba lendong ka atalok, kong nisung 13 asü aser nisung 17 yirua liasü.

Civilian asem tepsetba atema Afghanistan-i Pakistan aitsü

Kabul, Monupii/May 5 (Agencies): Arrtsü adener civilian asem tepsetba atema Afghanistan nung Taliban-i aniba sorkari kidanger Pakistan aitsüogo, koba Kabul-i ashiba agi, rara nung aibelen ka lir.

Hombarnü tatalokba ya linük ana tsünga China teyongtsü ia April ita yangluba ceasefire benoker aliba tetendangba ka lir. Kidanger ana tsünga ita aika raratepba sülen nisung noklang aika tepsetogo aser yiruogo.

Afghanistan deputy sorkar otongdar Hamdullah Fitrat-i Xajanga ashiba agi, Dangam, Kunar province amakba mapang ano nisung 14 yiruogo. Dangam nung nisung aliba ki, school, health centre ka aser mosque tem amala civilian infrastructure tem amakba atema pai Islamabad aitsüogo. Iba tesem ya Pakistan den arrtsü nung lir.

Iba taitüsüba ya Islamabad-i magizük. Ministry of Information and Broadcasting-i ashiba agi, item ki-o-jentem ya Kabul-i parnok sasa raksa asütsü akok. Ministry-isa, Afghanistan-i X nung lemsatepba noksa ya artillery-i amakba mapang raksaba memesük, aser parnok tenüing

menüktsütsü atema jenjang agiba ka ama reprangteter.

Afghansitan arrtsü anasa Pakistan kübok Khyber Pakhtunkhwa province nung Hombarnü nisung ka tepsetba sülen tensa mejungi kümogo. Hombarnü checkpoint ka amaktsüba merangba security force temi nokdangba mapang iba lendong ataloka liasü.

Security personnel temi iba checkpoint amakertemi amshiba gari dak injang khaloktsüba mapang nisung aika yiruogo. Iba gari nung ya bomb enoka bener military post ka leni oya aliba mapang nokdanga liasü. Gari ya iba military post matong tsünga poka liasü.

Pak Institute for Peace Studies (PIPS) Director Muhammad Amir Rana-i Al Jazeera dang ashiba agi, Pakistan tetsükdaksü aika ajangshidar.

Afghan Taliban den sendaktepa aliba Tehrik-e Taliban Pakistan (TTP) jenokdaksüba atema Islamabad-i Afghanistan aija arudar. Iba telok yagi sorkar anema jenjang balala agir. Ajisüaka Kabul-i iba taitüsüba ya magizüki arudar.

Hormuz nung mangatettep liaka US-Iran ceasefire nung lir: Pete Hegseth

Washington, Monupii/May 05 (Agencies): Strait of Hormuz meketa mitkar mangatettep adoka liaka United States aser Iran tsünga ceasefire nung lir, ta Pentagon tekolakba Pete Hegseth-i osangbener dang ashi.

Iba rara anena aliba tatem kati arutsü atema Tir Donald Trump-i telemtetba agütsü, ta Hegseth-i Mongulbarnü ashi, anungji Hormuz tanaben lapoktsü merangba mapang Iran nungeri amakba kar tatok agütsütsü Washington tejangraba lir ama sayur.

Washington-i "Project Freedom" nungja agütsür iba tongtipang tzü lenmang lapoktsü merangba ya US-Israel nati "Epic Fury" nungja agütsür Iran amakba nung maden, ta defence secretary-i ashi.

"Ceasefire ano metembang. Ibai project temeja balaka lir, aser tetenzük nung mepetmesü kar alitsü imlaa liasü, aser aji atalokogo," ta Hegseth-i osangbener dang ashi.

"Asenoki tashiyim agi wazüka ayutsü ta asenoki jembi, aser asenoki inyakogo. Iran-i aji meteta lir, aser tatem nung ceasefire nung aibelentsü asoshi tiri telemtetba ka agütsü."

April 8 nü ceasefire sangdongba sülen iba rara nung Hombarnü tensa tamajungba liasü.

Iran-i US Navy ships dak akha ta ashi, US-i Iranian



military boats tila tenet khazüka yok ta ashi, aser Tehran-i asendenshir drone aser missile amshia United Arab Emirates amak. Hormuz anasa South Korean rong ka nunga kongshi, koba Iran-i amakba südi ta temulung malemer.

Iran-i UAW indang Fukairah Petroleum Industries Zone nung amakdang nisung asem yiru, aser Tehran-i ashiba agi, US-i Gulf nung passenger rong ka nung amakba mapang civilian pongu tepset.

Iran-i Hormuz shibanga aliba US-i raksatsütsü merang tenzüker ghonda 24 dak tema sülena iba strait nung traffic meliasü.

Hegseth-i Mongulbarnü ashiba agi, US-i iba tzü lenmang nüka lir aser rong tem ajanga aotsü ajungshia rong, companies aser insurers den osang

agiteper.

"Onoki strait nung tashi tulu red, white aser blue dome amenoka lir. American destroyers tem station nung lir, aser fighter jets, helicopters, drones aser surveillance aircraft noklang aikati yarir aser commercial vessels sunepa alitsü atema 24/7 tenük yoker," ta Pentagon tekolakbai ashi.

US-i strat ajanga senzüba rong tem kumzükba ayur, Iran nungeri rong tem alema mesenzüdaksütsü, ta Hegseth-i ashi.

Ajisüaka US ketdangsür temi rong kwika US-i meiner aotsüar mesüra rong kwikati iba tesem ajanga aotsü mulunga aliar mashi.

US General Dan Caine dang iba indang asüngdang dang, Middle East nung aliba US Central Command tuyua liasü.

"Rong kwi ajanga anir aotsüar ajibo CENTCOM nem jembidaksütsü, kechiaser commercial rong tem den jembir anasatiba nung parnok lir, aser ni parnok jakdang menokdakner," ta Caine-i langzü.

Tehran-ibo US campaign ya tiazü ama ashir aser iba tzü lenmang ya tang tashi par kübok lir ta ashi.

Rara metenzükdang alima nung totzü aser natural gas shilem 20 shi Strait of Hormuz ya ajanga belena liasü.

Iba tzü lenmang shilem kar Iran aser Oman indang territorial waters ajanga aor, saka Hormuz shipping lanes yabo international waters ama züngshir.

Ajisüaka tang Iran-i strait nung kibur akumer, koba US-Israel nati February 28 nü

amak tenzüker mapang tatsüka tsünga Tehran-i shibanga liasü. Linük timbai iba tzü lenmang ajanga timtem makai shishilempatsü nungdaker ta ashir.

Mongulbarnü Iranian Parliament Speaker Mohammad Bagher Ghalibaf-i Hormuz nung Tehran-i "equation' tasen ka akangshir ta ashi.

"Ceasefire nung aibelena aser mokdanga United States aser par tembar linük temi shipping aser energy transit nung timtem agütsür. Adangji nung par temenen samaa aotsü," ta Ghalibaf-i X nung zülü.

Rara tenzüka sülen totzü jenjang kanga agi timba kumogo. US nung totzü jenjang timba akumba ajanga osettsüset nung jenjang atur aser Trump'er Republican Party tebilemtsü akar.

Mongulbarnü US nung petrol gallon ka nung sen \$4.48 (\$1.18 per litre) agi timba akum, koba rara metenzükdang sen \$3 (\$0.79 per litre) dang tajemba liasü, ta American Automobile Association (AAA) ajanga ashir.

Iran nungeri Hormuz mokdangba ajanga rong 1,550 iba tesem nung anendena lir, ta US ketdangsür temi ashir, saka Mongulbarnü Hegseth-ibo iba strait ya Iran nungeri kabu nung mali ta ashi.

India, China nung FIFA World Cup sayutsü atema nangzüktepa mali

Monupii/May 5, 2026 (Agencies): Alima nung nütsünyongsük timtiba aliba linük ana nung football fan million aika taküm FIFA World Cup merprangtetsü akok, kechiyong India nung broadcast rights atema ken o mebenteti lir aser China-ia official telemtetba ka agia mali.

China nung FIFA World Cup sayutsü atema nangzüktepa yangluba kecha sangdonga mali. FIFA-i ashiba agi, 2022 World Cup nung alima ajunga nung digital aser social platform tem nung iba asayamung repringba mapang (time) ajak senteper shilem 49.8 bo China nungi liasü aser yamaji India nunga fan tem aikati iba asayamung repringogo.

FIFA-i, linük 175 nung

broadcaster tem den tenangzüktepa yangluogo, ta alima ajunga nung football asaya achaayangba lokti tentet yagi Reuters news agency dang ashi.

"FIFA World Cup 2026 atema media rights ayoktsü asoshi tang sensaksem dar aser tangbo kecha sangdonga matatsüla," ta kasa sangdonga ajanga metetdaksü.

India mesüra China na den tang tashi broadcasting atema tenangzüktepa meyangu aliba ya taoba mapang ama masü.

2018 aser 2022 densema taoba World Cup tem nungbo Chinese state broadcaster CCTV-i jelia iba asayamung sayutsü atema temeden alizüker asayamung ajungketba aser sponsor tem indang

advertisement tem sayu tenzükatoker liasü.

2026 küm World Cup ya June 11 nü tenzüktsü lir asünung tenangzüktepa yanglua broadcast infrastructure amenoktsü aser advertising inventory tem yoktsü asoshi hopta pongu majung dang anunga lir.

India nung Reliance-Disney na longiemer 2026 World Cup broadcast rights atema USD million 20 agütsütsü shidangogo, koba FIFA-i meshiba shilem tila ka dang lir asünung parnokki magizük, ta source anati Hombarnü Reuters dang ashi. Sony-ia sensaksemogo, saka India atema FIFA rights asoshi offer masütsü telemtetba agia liasü, ta tanga source kati ashi.

Tetsür Futsal League atema züngoksemtsü asoshi anogo atsülanger

Dimapur, Monupii/May 5 (TYO): Directorate of Youth Resource and Sports-i sangdong ka ajanga 2buba Nagaland Women Futsal League atema team züngosemtsü asoshi anogo atsülangtsüba metetdaksüogo. Asayamung nung shilem

agitsü atema züngoksemtsü asoshi tatembangbuba anogoji May 7 nü asütsü.

Iba asayamung nung shilem agitsü jangraba team/club tem ajak dang atakzükja aliba mapang tsüngda züngoksemtsü asoshi metetdaksüogo.

Phil Foden-i City den tenangzüktepa yanglushiogo



Monupii/May 5, 2026 (Agencies): Manchester City playmaker Phil Foden-i club den tenangzüktepa tasen ka yanglutsü atema mulunga agizükogo. Pa iba club nungi 2030 tashi asayatsü.

The Athletic sangdong ka ajanga ashiba agi, tenangzüktepa tasenba yagi tang tenangzüktepa yanglur aliba ya melentsü, koba 2027 küm tashi yanglur liasü aser iba den ano ita 12 atsülangtsü asoshi lenmang sadema lapoka yur liasü.

Iba tenangzüktepa ya mapang tatsüka tsüngda tembanga yanglutsü imlar.

Iba tenangzüktepa yanglutsü atema Foden nem pa indang teammate Erling Haaland-i teyari agütsür alitsü imlar.

Foden aser club na sensaksem ya Haaland indang agent Rafaela Pimenta-i ketdangsüa sütsü asütsü ta amanger.

Foden atema tetsükdaksü aika ajangshia aoba mapang ka nung tang iba tenangzüktepa yangluogo. Arishi küm 25 tain asayar ya Pep Guardiola kübok aibenbo asayatsü asoshi maongka mongui arudar, kechiyong coach-i Eberechi Eze aser Jeremy Doku na-ang

asayadakja arudar. Ajisüaka City-i Foden dak maneni tamang akar. 2023/24 Premier League Player of the Season ya Guardiola indang tarutsü sentong nung tongtibang asayar ka ama züngshir.

Season tembanga sülen Bernardo Silva-i club toktsütsü alinung Foden-i pa melena tongtibang shilem agitsü imlar.

Club nung asayaba dak alaka Foden ya ano 2026 FIFA World Cup atema England squad nung züngoksemtsü nükjidong nung asayadar.

England coach Thomas Tuchel-i, asayar 24 agi kümtetba squad nung pa jenjang mejangja ta shiatokogo, anungji Foden form dangi arua asayatsü asoshi kanga aritepa inyaksüba mapang ka lir.

Foden ya under-nine nung asayar ka ama club nung aden aser tang asayar tajung ka kümogo. Arishi küm 17 asüba mapang senior team nung adenba sülen pai asaya 365 nung goal 110 idaksüogo aser assist 66 süja lir, aser iba den club nungi tongtibang takok maroka aika kokogo.

Pai iba club nungi asayaba mapang Premier League title trok, FA Cup ana aser UEFA Champions League kabo kokatokogo.

Athletic Club coach asütsü Terzic shimogo



Monupii/May 5, 2026 (Agencies): Athletic Club-i Germany nunger Edin Terzic parnok indang coach asütsü shimogo.

Taoba mapang Borussia Dortmund coach yagi küm ana atema tenangzüktepa yangluogo, aser pai taruba

season nungi Bilbao nung amendaker aliba club indang coach mapa abentsü.

Arishi küm 43 tain coach yagi Ernesto Valverde melentsü, shibai March ita club toktsütsü ta shiogo. Pa iba club nung küm pezü tashi inyakogo.

Andoni Iraola-i pai

Bournemouth manager mapa ya toktsütsü ta ashiba sülen pa taoba mapang shilem agia aliba club yagi meyipa arutsü atema sendaktepa aruogo.

Terzic ya Dortmund nung anaben tashi inyakogo aser iba mapang 2021 küm German Cup akok aser 2023 küm Bundesliga title tera agi dang maben. Pa lenisüba nung Dortmund pur League final tonga asaya liasü.

Wembley nung Real Madrid pur goal 2-0 agi makokba sülen mapang tatsüka dang lir pai Dortmund toktsütsü asüngdang aser iba sülen pa manager ama club kecha nunga minyaki aruogo.

Terzic ya taoba mapang Turkish club Besiktas aser Premier League side West Ham nung Slaven Bilic indang assistant liasü.

Athletic Club ya Spain nung La Liga table nung tibuba nung lir. Parnok tang asaya aliba season nung asaya pezü asayatsü anunga lir.

ICC T20I rankings: India maneni temaba jenjang nung lir

Monupii/May 5, 2026 (Agencies): Mongolbarnü sayaba ICC men's T20I rankings nung England aser Australia jakdang India team maneni temaba jenjang nung lir.

March ita T20 World Cup koka iba asayamung anabenbuba akokba mezüngbuba team akümba sülen India team-i otsü tasen yangluogo. Iba asayamung ya India aser Sri Lanka nati ayongzükja asaya liasü.

"Tawa sayaba rankings ya 2025 küm May nungi asayaba asaya 100 per cent aser taoba küm ana nung asayatem 50 per cent asadanga sülen sayaogo," ta ICC-i metetdaksü. India indang rating point 275 lir.

List nung England team (262 points) tanabuba aser Australia team (258) tasembuba nung lir. India aser England na tsüngda point tera agi tajemba kümogo saka India team maneni temaba jenjang nung lir.

Top 7 nung team tem jenjang memelenshi-i lir. New Zealand (247) pezübuba aser parnok sülen South Africa (244), Pakistan (240) aser West Indies (233) lir.

Rating points trok akoksaba sülen Sri Lanka team tekububai asepzükja luogo aser kasa mapang nung Bangladesh (225) tibubai tuogo. Afghanistan team (220 points) 10buba nung lir. Zimbabwe aser Ireland na maneni 11 aser 12buba nung lir.

"Cricket asaya ya North America nungi kanga renloka odar aser USA team-i point trok ngua jenjang ana tejakdangi tur 13buba nung lir. Parnoki Netherlands aser Scotland na ajatetogo, shirnok 14 aser 15buba nung lir," ta ICC-isa metetdaksü.

Namibia 16buba nung lir aser UAE ajateta Nepal 17bubai tuogo aser Oman-ia Canada ajateta 19buba nung lir.

"Rankings nung team 102 aliba nungi 98 dang kümogo, kechiyong Fiji, Gambia, Greece aser Israel nungeri atakzükja aliba ama taoba küm asem tsüngda T20I asaya ti masaya," ta kasa sangdong ajanga metetdaksü.

BILEMDANGANG

"Taküm nung tatalokba ajak agi na tarutsü atema renemtsür."